



**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
GRAD ŽIVINICE**

**Savjet za lokalni ekonomski razvoj (SLER)
Živinice, 19.04.2022.godine**

ZAPISNIK

Sa sastanka SLER-a, održanog 19.04.2022.godine, sa početkom u 09:00 sati u prostorijama Službe za zapošljavanje TK – podružnica Živinice.

Sastanku prisutni predstavnici Grada Živinice, predstavnik SZZTK Živinice, predstavnik kompanije Excel Assemblies, prema listi sa potpisima koja je u prilogu.

Dnevni red sastanka bio je sljedeći:

- Početak rada kompanije Excel Assemblies na području grada Živinice
- Posredovanje u pronalasku radne snage za potrebe kompanije Excel Assemblies
- Definisane dinamike buduće saradnje
- Ostaloe

Sastanak je otvorio predstavnik Grada Živinice, Admir Aljić, koji je prisutnima obrazložio sazivanje sastanka, predstavio mogućnosti saradnje u budućem radu kao i spremnost gradske uprave na pružanje podrške u realizaciji planiranih aktivnosti kompanije Excel Assmeblies a koje se odnose na posredovanje pri pronalasku radne snage putem lokalnog biroa za zapošljavanje.

Gdin Amir Selimović, šef biroa za zapošljavanje Živinice, je iskazao zahvalnost na današnjoj posjeti i na tome što su lokalna uprava i kompanija Excel Assemblies prepoznali značaj uključivanja biroa za zapošljavanje u cjelokupan proces. Gdin Selimović je prezentovao prisutnima aktivnosti koje je ova organizacija u prethodnom periodu poduzela na unaprjeđenju rada, izgradnji infrastrukture, osposobljavanju vlastitih kadrova, te načinima posredovanja u zapošljavanju nezaposlenih lica. Lokalni biro za zapošljavanje nastoji biti spona između poslodavaca i nezaposlenih lica i upravo je današnji sastanak ono čemu treba težiti u budućem radu i način na koji poslodavci treba da dolaze do nove radne snage. Također, gdin Selimović je uručio spisak nezaposlenih osoba koje su iskazale interes da obave razgovore sa predstavnicima kompanije Excel Assemblies, a s ciljem zapošljavanja u navedenoj kompaniji.

Gdin Afanaid Hamidović, direktor kompanije Excel Assemblies, se predstavio i zahvalio na srdačnom prijemu i iskazanoj spremnosti za pružanjem podrške od strane lokalne uprave i lokalnog bira za zapošljavanje. Zatim je detaljno predstavio kompaniju Excel Assemblies, koja je inače investicija vlasnika iz Velike Britanije, ali koja već duži niz godina posluje na području Općine Maglaj, gdje trenutno zapošljava preko 400 radnika. Dalje je gdin Hamidović naglasio da sa lokalnom upravom Grada Živinice već skoro godinu dana radi na stvaranju preduslova za pokretanje proizvodnje na području Živinica, te da je za sada jako zadovoljan pruženom podrškom i onim što grad Živinice nudi.

U nastavku razgovora, gdin Hamidović se zahvalio gđinu Selimoviću na prikupljanju podataka o zainteresovanim osobama koje žele da obave razgovor i eventualno se zaposle u ovoj kompaniji te je predložio da sa razgovorima mogu krenuti već od 20.04.2022. godine. Na dnevnoj bazi, moguće je obaviti razgovor sa nekih 30-35 osoba, tako da je plan da u periodu od 20.04.-22.04. gdin Hamidović i

njegovi saradnici obave razgovore sa približno 100-njak osoba, od kojih će uglavnom biti ženske osobe.

Prisutni su prihvatili predloženu ideju te su sumirali sastanak sljedećim zaključcima:

1. Predstavnici lokalnog biroa za zapošljavanje će pozvati osobe sa spiska i upoznati ih sa terminima održavanja razgovora
2. Gdin Hamidović će sa svojim saradnicima u periodu 20.04.-22-04.2022. godine u prostorijama biroa za zapošljavanje Živinice održati razgovore/intervjue sa zainteresovanim osoba
3. Predstavnik Grada Živinice će sačiniti zapisnik o održavanju sastanka te će na sljedećem sastanku savjeta za lokalni ekonomski razvoj prezentovati poduzete aktivnosti
4. Grad Živinice, Biro za zapošljavanje Živinice, kompanija Excel Assemblies će u budućnosti usko saradivati po pitanju zapošljavanja novih radnika, te eventualno drugih projekata interesantnih za lokalnu zajednicu.

Sastanak je završen u 10:10 sati.

Zapisnik sačnio:
Admir Aljić